



UNIVERSITÄTS-
BIBLIOTHEK
PADERBORN

Variorum In Europa Itinerum Deliciae

Chyträus, Nathan

[Herborn], 1599

VD16 C 2803

Bardesholmia.

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)

BARDESHOLMIA.
IN TEMPLO MONASTERII
BARDESHOLMII.

Epitaphium Episcopi Vicilini.

Oscipii patris hic condita sunt Vicilini.

Addita metra, quæ ipsi vocant quadrangula.

Aldenburch	Præsul	Holsatis	nobile	germen
Præsul	finalis	præstans	tutamen	alumnis
Holsatis	præstans	lumen	purissima	gemma
Nobile	tutamen	purissima	gemma	refulgens
Germen	alumnis	gemma	refulgens	o Viciline.

IBIDEM.

Anno Domini 1554. obiit D. Wolfgangus Pogovvifche, eques auratus in Buckenhagen hic unâ cum uxore & liberis sepultus.

Hic sua Wolfgangi Pogovvifci membra quiescunt.

Majorum veteri nobilitate sati.

Qui virtute sua dignos sortitus honores,

Clarus ob ingenii splendida dona fuit.

Magnificè gessit partum, quem fulvus equestris

Militia aurata postulat ordo, statum.

Teutonicoq; fuit facundus, & ore Latino.

Mentis ut efferret sensa probanda sue.

Ille nec ingenuas artes didicisse, pudendum

Splendori duxit dedecus esse suo.

Quattuor illustres Danorum regibus aulae

Eloquio rexit consiliisq; suis.

Grande decus patria, quo fortunata vigente

Floruit incolumi Cimbria lata statu.

Vixit honorificè, longævus Nestor ut olim

Verba Pericleo more diserta tonans.

Doctus ubi fuerat, regnum caeleste parari

In Christum viva justificante fide;

Ff iiij

*Spiritus hic posito mortali corpore tandem
Transit æterni regis ad astra sui.*

Obiit anno Christi M. D. LIII. die
Matthiæ.

FRIDERICO II. SEPTENTRIONIS
regi potentiff. monimentum hoc cælo Muarum
religiosarum est sculptum

NATHANE CHYTRÆO.

*Laudarunt in te multi permulta, nec illud
Improbo. virtutes quis enim sat laudibus ornet,
Rex Friderice, tuas? laudum sed prima tuarum &
Summa vel hac una est, uno quod nomine Christi,
Christiadumq, ejus solidè contentus, in oras
Nomina nulla tuas quas vis redolentia sectas
Schismatica admisti, constans, animosus & acer
Rex, cui Christus amor, Christus decor, omnia Christus.
Utpote Christiade patre natus, & ipse relinquens
Christiaden regem electum, cui sceptrum coronamq,
Calitus Astra ostentans jam jamq, datura est.
Scilicet istorum auspiciis, procerumq, potentum,
Quos penes est regem legere atq, amare potestas,
Et Christo sua regna manent: jamq, ultima Thule
(Qua nulli Augusto, ut tibi servit, servit unquam)
Voce typisq, suis sacra edit Biblia, bellè
Non minùs aut nitidè, quàm Francogallia possit,
Inventrixq, ejus Germania nobilis artis.
Hac, nisi decipior, laudum Friderice, tuarum
(Qua & successori ut maneat, sine fine precandum)
Laudarint quamvis multi in te multa, suprema est.*

HORNS.